


# TOKOLOGO YE E FELETŠEGO

 Ke be ke le mohuta wa go se tsebe ke bolele eng mosong wo. Ke be ke dutše morago fale le Ngwanešu Egan, gomme ke kwele. . . Ngwanešu Neville o be a bolela se sengwe, gomme a lebeletše go ntebanya. Gomme ke rile go Ngwanešu Egan, “A o bitša nna?”

Gomme o rile, “O a dira.”

2 Gomme gona šefa ke godimo fa go bolela se sengwe mosong wo. Ke be ke nagana, ge ke bile. . . Sefehlamoya fale, fao ba. . . goga lentšu, go no lebega nke go le gogela ntle thwi, ge o bolela. Go lebega nke sefehlamoya sela se iša lentšu kgole thwi.

Ke be ke ekwa bjalo. . . bopaki ge ke be ke le ka fale go rapelela mosadi mo mogaleng. Gomme yo a hweditšego molaetša, o lebetše go bea toropokgolo ya lefelo fao go leletšwago, go tšwa go mosadi wa Ngk. Morrison. Gomme ke tla no le botša seo ke se dirilego, go thapelo ya lena bohle, le ya ka. Ke beile diatla mo mogaleng, le go šupa go nomoro, e ka ba kae e bego e le, gomme ka kgopela Moya wo Mokgethwa go ya go mosadi. Kafao ke nagana O tla kwa yeo feela go swana bjalo ka ge A be a ka ba ge re ka. . . Le a bona? Gomme ke no e bea fase. Gomme e ka no ba gore yeo ke tsela Morena a e nyakilego. Le a bona? E ka no ba e ka ba bokaone ka mokgwa woo.

3 Gomme ka morago ke kwele mabopaki ge ke sa le ka fale, a yo mongwe a bolela gore Kgaetšedi Rook o bile. . . Ke a dumela Ngwanešu Neville o boletše gore o bile le go—go phuhlama ga monagano, bjalo. A re swareleleng go Modimo go yeo, feela go elelweng selo se tee se: Modimo o tseba ba Gagwe Mong. O tseba tšohle ka ga bona.

4 Le kgona go kwa gabotse kua morago? Ge le sa kgone, go na le madulo a se nago motho godimo fa. Le ka kgona go fetola ge le nyaka. Gomme, a re boneng, a se ke segodišantšu segolo? [Ngwanešu o re, “Aowa, mohlomphegi.”—Mor.] Se godimo *fa* ke segodišantšu segolo? Go lokile. Re tla bona ge re ka kgona go hwetša seo feela nthatana gannyane kgauswi. Go bjang ka go dikologa fa thwi, Gene? Seo se tla ba feela se lokile. Gomme nako ye nngwe ke no ba makgwakgwa ga nnyane; ke be ke rera nthatana kudu. A seo se kaone? Le kgona go kwa bokaone bjoo?

5 Gomme ka kgonthe re elelwa tše ka thapelo. Gomme re nyaka go bega kopano ya go tagafala go tšwa tlase ka. . .

Naa ke lebeletše Kgaetšedi Rook? Ke naganne ke lebeletše mohumagadi morago fa yoo a lebelegago go swana le yena. Ke naganne, “Ka kgonthe ga ke bolele go hlatlagana gabedi fa.” Ke

lebeletše yo mongwe a lebelegago go swanago le yena, go lebanya morago. O ka go Bookelo bja Saint Edward.

<sup>6</sup> Gomme kafao, ka Cleveland, Tennessee, le gape ka California, re bile le dikopano tša letago. Morena o šegofadiše gagolo, le dilo tše dintši tšeo A di dirilego. Gomme re thabetše seo. Ke thabile re kgona go bowa morago go sehlopha sa rena, go bega bobotse le kgaogelo ya Modimo. Yeo ke tsela ba dirilego ka Beibeleng.

<sup>7</sup> Ke be ke thabetše Ngwanešu Neville, goba thapelo ya Ngwanešu Beeler, ka fao a rapeletšego batho, le—le go kgopela thušo le kgaogelo. Gomme ge re ka no lebelela mmogo, lena ka mehla, se sengwe le se sengwe se yago pele, le tla hwetša go na le se sengwe sa mmopale ka kgonthe mabapi le yona. Gomme morago ge Ngwanešu Neville a etla le go tliša matikone a, le go ya pele, godimo fa mo sefaleng, go—go kwalakwatša ditšhegofatšo tša Modimo godimo ga mo—mo moneelo wa kereke, ke mo kwele a bolela ka thapelong ya gagwe go Modimo, ka ga banna bale, ka fao ba rapeletšego yo motee go yo mongwe. Gomme seo se ntira gabotse go kwa modiša yoo a kgonago go rapelela matikone a gagwe, le matikone a rapelela modiša morago. Ge o bona kereke e eya ka go tirišano go swana le yeo, gabotse, se sengwe se loketše go šutha. Yeo ke tsela kereke e swanetšego go ba lenaneong. Gomme go mpha feela kgopolo bakeng sa sehlogo. Ke be ke eya go bolela ka tšhegofatšo kua Kadese, le go gana go theeletša pego ya dihlopi, eupša morago ke fetotše kgopolo ya ka, go se sengwe gona.

<sup>8</sup> Gomme bjale, mabapi le phodišo, ke no ba le bopaki bjo bonnyane bjo ke nyakago go bo fa. Ke be ke le dikholofelong ke tla bona mošemane wa ka, Billy, morago fale, eupša o na le bjona ka potleng ya gagwe.

Gomme Billy o ba kaone ka dikopanong, go feta seo e dutšego a le sona. O be a tšhoga, a nyama, gomme o be a le mokgwa wa go botša batho, “Oo, eya o dule fase. Eya o dule fase.” A re, “Ke tla—ke tla go fa karata ya thapelo.” Eupša ke lemogile, gabjale, go ba le batho ka kopanong bao a no go ba šokela. Ge a se na le karata ya thapelo e šetšego, gona o tla ba bea ka phapošing gore ke kgone go ba rapelela.

<sup>9</sup> Gomme selo se sebjalo se diragetše ka Chicago, nako ya go feta. Gomme ke rata go bala lengwalo leo ge a ka tla ka gare. Ga se nke ka hwetša go mmona. Ga se a tseba ke be ke etla mosong wo godimo fa, godimo fa, gomme—gomme ke nyaka—nyaka lengwalo. Eupša ke no nagana ka lona ge ke nagana ka malwetši a mantši bjalo. Gomme še tsela e lego. Ke lengwalo la go hlatsela leo . . .

Ke be ke bala mo lephapheng, (ga se nke; ke boditšwe) gore fao maphephe a be a swaswalatša Oral Roberts, ka gore a rapeletše mosadi yo a bilego le bolwetši bja swikiri gomme

a hwa. Gomme ke, bjale, bjalo ka Moamerika, ke—ke rata go theeletša go melao le—le monna yo a lego bolaoding. Eupša ke nagana seo ga se toka. Ke makala ge ba ka ikemišetša go bea, ka lephepheng, bohle bao Oral Robert a ba rapeletšego gomme ba fola, bao dingaka di ba latotšego. Ke a makala, ba e retolle gatee thwi morago go dikologa, le a bona. Ba ka se dire seo. Gomme gona ke nagana mohlomongwe gore diabololo o no ba a ba gogagoga godimo bjalo, bao, gomme Modimo a e dumelela, gore Letšatši la Kahlolo ba tla swanela go arabela seo. Eupša ke tseba ka ga diketekete tša batho tšeo Oral Roberts a ba rapeletšego, bao ba bego ba ehwa, gomme ba phelegile.

<sup>10</sup> Kafao, le a bona, ba, ga ba dire toka ka lona. Ba tla hlagiša lehlakore la bona, lehlakore la go swaswalatša, eupša ba ka se hlagiše lehlakore le lengwe. Bjale, lephephe le swanetše go sebotša batho ka ditiragalo tša bjalebjale tšeo di diregago. Gona ke a nagana, ge batho ba tshwenyega ka yo motee go yo mongwe, ge yo mongwe a hwetša go fola, ka kgonthe a fola, lephephe le lengwe le le lengwe ka mo United States le swanetše go rwala athekele ya yona. Eupša o ka se ba thwale go e dira. Aowa. O tšea se sengwe go swana le seo fale, ba tla hwenahwena le go e sega, le go e gana. Eupša bjale ge go na le se sengwe go swaswalatša . . . Go no ya go bontšha gore setšhaba se se loketše kahlolo. Nnete. Gomme go swanetše go ba le kahlolo, gomme ga go na tsela ya go e phonyokga. Gomme ba no ba ba ikgogolela mollo godimo ga dihlogo tša bona, le go ya pele. Gomme ye bjalo ya—ya . . . go se kwane, go fihla dikokwaneng! Lephephe, dikokwane tša lona, ke go—go sedimoša batho ka se sengwe le se sengwe se sebotse goba se sempe, seo se diregago. Eupša ba kgole go tloga go dikokwane tša bona. Gomme ge ba le kgole go tloga go dikokwane tša bona, gona ba—ba ka se direle morero wa bona gabotse.

<sup>11</sup> Gomme yeo ke tsela e swanago ka kereke. Ge kereke e le kgole go tloga go dikokwane tša yona, e ka se kgone go direla bakgethwa gabotse. Re swanetše go dula mmogo, re swanetše go momagana. Re swanetše go ba pelo e tee le mmero o tee. Goba, re ka se tsoge ra direla Modimo goba batho, ka ntle le ge re le pelo e tee le mmero o tee, go ema ka dikokwane tša Beibele le dilo tšeo Modimo a rilego di lokile. Re swanetše ka mehla go ema ka tšona.

<sup>12</sup> Billy o kgakgetšwe ka kamoreng, ka Chicago, yena . . . Yo mongwe o tlile go yena, mosadi le monna wa gagwe, ka kankere ya maswafo, a ehwa. Gomme mosadi wa gagwe o be a le motšwasehlabele wa pholio ka go setulo sa bagolofadi, gomme yena a leka go hlokomela monna yo a sa kgonego go emelela godimo, ka kankere ya maswafo. Gomme Billy o rile go yena, o rile, “Ke—ke maswabi, mohlomphegi.” O rile, “Nka thabela go go fa karata ya thapelo.” Gomme o rile, “Eupša ga—ga ke ne ye tee ye nngwe e šetšego.”

13 Gomme o rile, “Gabotse, go lokile, morwa.” O rile, “Go lokile gohle.” O rile, “Re lekile go tsena fale, eupša ga gwa hlamatsega bjalo go rena.”

14 Billy o rile, “Ke go botše o dire eng.” O rile, “Ke ya go tšea papa. Gomme ke ya go mo tliša ka gare, gomme ke tla mo tšea ntle.” Gomme o rile, “Ge ke dira, ka bjako ge o ekwa Molaetša wa gagwe,” o rile, “gona tšea wa gago. . . goba mosadi wa gago le wena, gomme le tsene ka kamoreng ye nnyane fao ke tla le fetišago go kgabola, gomme ke tla ba le yena go le rapelela.”

15 “Oo,” o rile, “seo ke botshepegi, morwa. Seo ke go loka go lekanela.” Le a bona? Go na le—go na le mokgwatebelelo. Le a bona? “Go lokile go lekanela. Seo se kaone.” Le a bona?

16 Gomme bošegong bjoo, Billy, ge a boela morago fale, go sa le kgahlanong le seo a se boletšego, gore o bile le ngwanešu wa gagwe wa semolao fale yoo a bego a ela madi ka ga go tšwa ga madi go tšwa maswafong. Gomme kgaetšedi wa gagwe wa semolao fale, yo a bego a ela madi go tšwa ka mogodung, ka alesa, le bona gore ba be ba tlile ka gare le bona, mohuta wa ka lehlakoreng la go ba thuša go tsena ka gare. Le swanetše go šetša, go tla ba le kamora ka moka e tletše, le a bona. Eupša go ya go kgabola le go ba rapelela, re hwetša lengwalo morago, ka poso, gore monna yola o fodile ka go phethagala go kankere yela ya maswafo. Mosadi, mosadi ka go setulo sa bagolofadi, o tsogile, o ya go dikologa feela bjalo ka tlwaelo a kilego a ba. Monna ka ga go tšwa ga madi ga—ga maswafo, go tšwa go bolwetši bja sehuba, o fodile ka go felelela. Gomme mosadi wa gagwe o kaone ka dialesa. Ba bane ba bona ba fodile, ka go otlologa! Ke a makala ge eba maphepha ka rata go gatiša seo. Le a bona? Le a bona? Le a bona? Oo! Eupša Modimo o sa le Modimo. O no dira dilo ka tsela ya Gagwe Mong, le a tseba, gomme O lokile kudu. Re thabile kudu go tseba gore ke Yena Modimo.

17 Re be re bolela mosong wo mongwe ka moreri yo monnyane yoo re mo tsebago, yo a bego a fela a sepela tikologong, go rapelela balwetši le se sengwe le se sengwe. Gomme o ile le go rapelela motho ka bookelong bja Louisville, gomme taba ya bolwetši bja mafahla, mohumagadi a hwa. Moisa yo monnyane a re, “Gabotse, ga go bohlokwa. . . Modimo ga a. . . Ga go na Modimo. O be a tla boloka Lentšu la Gagwe.” A re, “Ke mo tloditše feela bjalo ka ge—bjalo ka ge Beibele e boletše. Ge A sa boloke Lentšu la Gagwe, Ga se Yena Modimo.” A re, “E no ba puku.”

18 Bjale, seo se ka no bonagala go swana le seo ka ntle le ge o tsebile Modimo. Yeo ke karolo ya Mangwalo, eupša ga se Lengwalo ka moka. E godimo ga motheo wa tumelo ya motho ka motho. Le a bona?

19 Gomme ke boditše mosadi wa ka, ke rile, “Go na le dilo tše dintši go direga, tšeo ke no go tseba gore e gona. Ga ke tsebe

seo se yago go ntiregalela kua mafelelong. Nka no ya ka tsela ya go swana. Ge Modimo a ka tsoge a šuthiša seatla sa Gagwe sa kgaogelo go tloga go nna, ke tla ya ka tsela ya go swana. Eupša ge feela A ka boloka seatla sa Gagwe sa kgaogelo le tlhahlo godimo ga ka, ke tla ya pele.” Eupša ke botšišitše Meda, ke rile, “Ke mang a bilego ka kamoreng mosong wola ka morago ga pono ya ka ke bona mosetsana wa ka yo monnyane, Sharon?”

<sup>20</sup> A ke re, letšatši le lengwe, ke nyakile ke idibala. Ke be ke dutše mo mokgotheng. Gomme le tseba kanegelo ya ka ya pono ya gagwe, ka morago. Gomme ke lebeletše, go tla ka lehlakoreng la ka, gomme fale go tlile mosetsana yo mofsa fase mokgotheng fale ka Jeffersonville, a le feela tlwa go swana le pono yela. Ka no swanela go kopanya diatla tša ka mmogo. O bonagetše kudu bjalo go swana le pono yela ya Sharon yo monnyane wa ka! O be a le mosadi yo mofsa nako yeo.

<sup>21</sup> Gomme ka morago ga pono yeo mosong woo, ge a le Letagong, ke . . . Hope o be a mpotša, a beile letsogo la gagwe go rarela magetla a ka, a re, “Se tshwenyege ka rena, Bill. Re go bokaonekaone.” Ke be ke no leka go dira polaomong. Gomme o rile, “Se tshwenyege. Ntshepiše o ka se tshwenyege gape.”

<sup>22</sup> Gomme ke rile, “Nka se kgone go e tshepiša, Hope, ka gobane ke—ke—ke. . . Ke a tshwenyega. Ga ke kgone.”

<sup>23</sup> Gomme ka phafoga go tšwa go pono, ke eme ka kamoreng ya leswiswi. Gomme e se pono, e se kakanyo, eupša letsogo la gagwe le sa le go ntharela. Gomme o be a mphaphatha. Ke naganne, “Ema motsotso. Se ga se. . .” Ke be ke sa tsebe seo nka go se bitša mo matšatšing ao, pono. Ke e biditše mantladima. Ke rile, “Ye ke. . . Seatla sa gagwe se sa le fale.” Ke rile, “A o fa, Hope?”

<sup>24</sup> O rile, “Bill, ntshepiše gore o ka se tshwenyege gape ka nna le Sharon.” Gobane, ke be ke le mafelelong a tsela. Ke be ke ikemišeditše go dira polaomong.

Ke rile, “Ke a go tshepiša.” Gomme a nkgomarela, le go mphaphatha ka seatla sa gagwe.

Gomme morago ke—ke rile, “Hope, o go kae?” Ke bile. . . kwele godimo, go fihla ke swara ketane ye nnyane mo seetšeng le go e goga. Ke ile go dikologa, ka puruputša go kgabola setulo se sengwe le le sengwe, go bona ge eba o be a dutše fale.

Ke Yena Modimo. O no ba Modimo kudu bjalo, lehono, bjalo ka ge A bile godimo ga Thaba ya Phetogo ge Moshe le Eliya ba bonagetše. Yena o sa le Modimo.

<sup>25</sup> Re ka no ya go kgabola mathata a mantši le meleko. E nno elelwang, go na le Yo mongwe Yo a tsebago, o bonegela tsela, a e dira kgonthe. Ga ke tsebe seo se lego ka morago ga garetene. Eupša ke tseba selo se tee, ke gatelela go lebanya mmara ka wa pitšo ya godimo, letšatši le lengwe le le lengwe, ke leka go phelela tiragalo yela e kgolo yeo e tla diregago letšatši le lengwe; ge ke tla

Mmona, sefahlego ka sefahlego, gomme ka bolela kanegelo, “Go phološwa ka mogau.” Leo ke letšatši ke le phelelago. Ke tlogela dilo tšela morago, tšeo di lego, ke nyaka go gatelela pele, go no tšwelapele go ya.

<sup>26</sup> Ke nyaka tabarenekele ye, bjale ka gore le sa emeletše, ke nyaka le tšwelepele go gatelela go ya go mmaraka wa pitšo ya godimo. E ka ba eng le e dirago, gomarelanang mmogo, e bang ba go gokarana ka fao le ka go kgona, eupša ka mehla ka letsogo ka ntle, go obeletša le go hwetša yo mongwe gape, go ba tliša ka gare. Eupša ka go Tumelo ye yeo re e rerago bjale le go e hlabanela ka tiišetšo, le se ke la šutha le intšhi e tee go tloga go Yona. Ka gore, ge le ntumela go ba mohlanka wa Gagwe, le ke lenaneotshepedišo la Modimo. E ka se tsoge ya ba mo bontšing. Ka mehla e tla ba mo bonnyaneng, ka mehla e bile gomme ka mehla e tla ba. Eupša, elelwang, go ngwadilwe, “Se boifeng, mohlape wo monnyane; ke thato botse ya Tate wa lena go le fa Mmušo.”

<sup>27</sup> Bjale, go na le sehlopha sa diofisi tša kereke ya rena, matikone, babolokaphahlo, mookamedi wa sekolo sa Lamorena, badiša, bjalo ka ge kereke ya rena e beilwe ka lenaneo. Gomme lena, batho, le kgethile baofisiri ba le modiša yo. Ke no ba mookamedipharephare, go bona e ya pele gabotse, le go fa keletšo le go ya pele. Ke lena bona bao le kgethago modiša wa lena, le kgetha bahlokomelaphahlo ba lena, le kgetha matikone a lena, le kgetha ofisi ye nngwe le ye nngwe e lego gona ka kerekeng ye; lena, batho. Gomme ke mošomo wa lena go ema banna bao nokeng, le a bona, ka gore ba tlo dira diphōšo. Ke ba ba hwago. Ba no ba batho, gomme ba tlo dira diphōšo. Eupša ge Mopresitente wa United States a dira phošo, a re mo lahlela ka ntle, bjalo ka Mopresitente? Re lebala ka yona gomme ra gatelela pele. Yeo ke tsela re nyakago go dira kereke ya rena bjale. Ke be ke mo theeditše a rapela, metsotso e se mekae ya go feta, go matikone ale. Gomme go kwa ka morago fale, bopaki, mo lemating, go tšwa go bahlokomelaphahlo, kafao le lego bohle ba mmero o tee. Bjale dulang ka tsela yeo. Bjale, lena maloko emang nokeng bahlokomelaphahlo ba, matikone, le modiša. Gomme elelwang, ge le etla bommogo bjo, elelwang gore ke mošomo wa diabolō go bona gore seo se a šwalalanywa. Bjale go bile ka mehla gomme go tla ba ka mehla. Eupša le ema nokeng baofisiri ba lena, gomme yeo ke polelo yeo ke bego ke eya go e dira.

<sup>28</sup> Gomme gona ke na le fa gape sengwe . . . se sengwe go potō ya ditsebišo mosong wo, mabapi le kopano ya dipoto le maatlataolo a tšona. Gomme e tla ba godimo ga potō ya ditsebišo. Gomme ke na le khopi go Ngwanešu Roberson, yo a lego modulasetulo wa mat- . . . wa bahlokomelaphahlo. Gomme gona ke na le khopi go Ngwanešu Collins, ke a nagana, yo a šomago bjalo ka modulasetulo wa potō ya matikone. Gomme bjale, diofisi tše tšohle di beilwe go ya ka Lengwalo, gomme di swanetše go ba

le melaotshepetšo ya Lengwalo ya seo ba swanetšego go se dira. Kagona, bahlokomelaphahlo ba na le ofisi ya bona beng. Gomme matikone a na le ofisi ya bona beng. Mookamedi wa sekolo sa Lamorena o na le ofisi ya gagwe mong. Gomme modiša ke hlogo ya mohlaphe.

<sup>29</sup> Bjale, ye nngwe le ye nngwe ya tše e na le dilo tša go swana. Gomme ke nagana gore dikopano tša rena ga se tša swanela go ba mmogo, eupša e swanetše go ba bjalo ka ofisi ye nngwe le ye nngwe, ka gobane matikone ga a na selo go botša bahlokomelaphahlo ka ntle ga ge ba na le taba go e tliša go bona. Gomme ka go sokologa, bahlokomelaphahlo ba ka godimo ga ditšhelete le dilo tša moago; ga ba na selo le matikone. Matikone ke maphodisa a kereke, le bathuši ba modiša. Gomme bahlokomelaphahlo ke baswari ba thoto yohle. Bahlokomelaphahlo ga ba na selo go dira le bofelo bja semoya bja yona, le matikone ga ba na selo go dira le bofelo bja tša ditšhelete tša yona. Kagona, go swanetše go ba. Gomme mookamedi wa sekolo sa Lamorena o ka godimo ga sekolo sa gagwe sa Lamorena. Kafao ke na le yona yohle e ngwadilwe, e tlantšwe ntle, go ba godimo ga pota ya ditsebišo.

<sup>30</sup> Gomme gona re ya gape go hwetša, ka go foreime, Thuto yeo kereke e e emelago, le go ba le Yona e foreimetšwe ka fa, ka kerekeng; seo re se emelago, di—di dikokwane, Thuto ya kereke. Bjale, go ba kereke, re swanetše go ba le thuto.

<sup>31</sup> Ga re thale fase dikokontwane tše itšego, le go re, “Re no ya bokgole *bjo*.” Re no ya ntle feela bokgole kudu, ka kopanelo le yo mongwe le yo mongwe, bjoo Modimo a re dumelelago go ya, ka Mangwalong a Gagwe, le batho. Gomme bjale gomarelanang mmogo, ebang ba mmero o tee, pelo e tee, le go ya pele bakeng sa Modimo. Yeo ke tsela Modimo a nyakago re dira.

Bjale a re rapeleng, gomme morago re bule Lentšu.

<sup>32</sup> O Morena yo bohlokwa, bjale re kgauswi le go batamela Lentšu le Lekgethwa, goba go balwa ga Lentšu le. A nke Moya wa Gago wo Mokgethwa o re hlathollele seo se re se hlokago. Gomme a nke re bolele, Morena, le go dira le go phela, re tseba gore rena bohle re bana ba Gago, ka mogau, bjalo ka ge O re biditše. A nke go be le kopanelo ka kerekeng ye, re bona gore re no ba kgauswi le go runya ka go mosepelo wo mongwe wo mogolo, re a ikwela, wa go tliša godimo badiredi ba bangwe go ya ntle ka go mašemo a fao, ge O ka nthoma ka go dikarolo tša go fapana tša lefase, fao go hlomamiša Tumelo, le go ba le modiredi a loketše le go rata, le go katišetšwa go thopa. Gomme a nke Tumelo yeo e kilego gatee ya fiwa bakgethwa, yeo re e emelago ka bogale, e be nkgokolo go dikologa lefase. E fe, Morena. A nke mokgobo wo monnyane wo wa ngwang, bjalo ka ge o kile wa ba letšatši le lengwe ge re o neela go Wena, a nke go be le kereke e nyogelago godimo fa,

Morena, yeo go tšwa go yona go tla ya badiredi le baebangedi le barutiši le baromiwa, go ya go dikarolo tšohle tša lefase.

<sup>33</sup> Re tla kgopela, mosong wo, tšhegofatšo ya go ikgetha ya Ngwanešu le Kgaetšedi Stricker yo a tlaišegago bjale. Eupša re a tseba gore bohle re bewa ditekong tše. Morwa yo mongwe le yo mongwe a tlogo go Modimo a swanetše go solwa, go lekwa. Gomme ge re ineela gabonolo, le go boela morago, gona re bana ba dihlabana, gomme e sego bana ba Modimo. Efa Ngwanešu le Kgaetšedi Stricker maatla le thata, go kgomarela go kota ya bona ya mošomo. Ge eba ba swanetše go kgopela dijo tše ba di jago, a nke seatla sa Gago sa tšhegofatšo se be godimo ga bona. Ka gore ga re tsebe eupša e ka no ba ka seo gore matsapa a mangwe le a mangwe O tla laetšago badudi ba setlogo ba Afrika seo Mokriste wa kgonthe a lego sona. E fe, Morena. Bjale a nke yohle e dirwe go ya ka thato ya Gago.

<sup>34</sup> Šegofatša modiša yo, Ngwanešu Neville. Re a rapela, Morena, gore O tla mo dira modiši wa mohlape, bjalo ka ge O bile nakong ya go feta. Gomme re ka se lebale wa gagwe wa go ratega, mosadi yo monnyane yo a babjago kudu. Lenaba le rata go šia Ngwanešu Neville le sehlopha sela sa bana, go se ne mme, eupša re ema le go bea, ka tumelo, Madi a Jesu Kriste magareng ga lenaba leo le kgaetšedi wa rena. A nke Moya wa Gago, Morena, o be gagolo godimo ga gagwe, re tseba gore basadi bohle ba beetšwe go sepela fase go kgabola moedi wo, wa lešwiswi la lebaka le, eupša re a rapela gore O tla ba le yena. Šegofatša bana bale ba bannyane. O tla ba yo a sa dudišegago bjale, le go tshwenyega, eupša a nke Moya wo Mokgethwa o be mo lemating la kgaogelo, ka dinako tšohle, go lelapa lela.

<sup>35</sup> Šegofatša pota yo rena ya bahlokomelaphahlo, Ngwanešu wa rena Wood, le Ngwanešu wa rena Egan, Ngwanešu Roberson, le bohle ba bangwe, Morena. Matikone, bahlokomelaphahlo, le bohle bao ba amanago le kereke, re a rapela, Morena, gore O tla ba dumelela go direla nako ya bona ka bokgethwa le—le toko. Šegofatša bao, Morena, bao ba diretšego mo dinakong tša go feta. Gomme re rapela gore O tla iša pele go ba le bohle ba rena, gore re tle re tsebje bjalo ka kereke ya kopano, le Moya le lerato la Morena. Re a rapela bjale gore O tla abaganya go rena Lentšu, bjalo ka ge re na le tlhoko, bjalo ka ge re bala ntle ga Lentšu la Gago le ngwadilwego. Ka gore re e kgopela ka Leina la Jesu. Amene.

<sup>36</sup> Gomme mo go rapeleng, ke be ke nagana bjalo ge re be re šegofatša goba ga go kgopelela ditšhegofatšo bakeng sa ya rena ya sebjalebjale. . . . pota ya rena ye mpsha ya bahlokomelaphahlo le go ya pele, ke be ke nagana ka Ngwanešu wa rena Fleeman le Ngwanešu Deitzman le bona ba dutše fa, bao ba diretšego gabotse, godimo pele. Gomme re rata go ba ba tebogo go Modimo ka bodiredi bja bona bja go tshepega. A nke Modimo a fele a na le bona, go ba šegofatša le go ba thuša. Ke nyaka go bala pele. . . .



E nno elelwang bjale, poto ya ditsebišo le go ya pele, le dikopano tše di tlogo.

<sup>37</sup> Gomme re thabetše go ba le rena, mosong wo. . . Gabotse, nka e bolela go swana le se, monna yo a bilego bohlokwa kudu go nna, mo dinakong tša go feta, le go ba bohlokwa bjale, ngwanešu wa go loka, Fred Sothmann, go tšwa. . . le mosadi wa gagwe, go tšwa Saskatchewan, Canada, yo a lego go go diilela le rena, ka setšhabeng sa rena, modiiledi; eupša ka go kopanelo ya rena, ngwanešu morategi, Ngwanešu Fred Sothmann a dutše fale. O ntaolela dikhampheini ge ke be ke le ka Canada.

<sup>38</sup> Gomme yo mongwe ngwanešu yo bohlokwa yo le yena a bego a le wa Canada, yo a bego a le ragwebo, gomme a ka netefatša go lefase gore o ka se fe go feta Modimo. Yena le mokgotši wa gagwe ba hlomme setheo bakeng sa matlotlo a go aga lefelo, goba bakeng sa mišene wa ka ntle ga naga, setheo. Gomme ba mpileditše go Oakland, bakeng sa kopano, gomme ba rile ba bile le tšhelete. Ba tla e thekga ka mašelang yona yohle, ka go setheo sa bona.

<sup>39</sup> Ngwanešu Fred le nna re lekile seo bakeng sa tšhelete ye itšego yeo Ngwanešu Fred a bilego le yona, yeo nka se e tšee go bjalo ka motho a nnoši. Kafao ka morago re tšere sephetho re tla e neela go batho ba Canada gomme e bile go se tšee godimo moneelo, eupša ga se e sepele gabotse bjalo. Dikopano di be di le kaone. Eupša ka gore ga se re tšee godimo moneelo. . . ga ke iše felo ge e ba kereke e lekanetše lekgolo la dibilione la ditolaro, o sa e kolota, go Modimo, go tšea godimo moneelo. Yeo ke karolo ya borapedi. Gomme o pata seo. . . Bontši bjoo ke bilego kgahlanong le tšhelete le dilo go swana le tšeo, ke hwetša ntle, ge motho a le phošo, gabotse o ka no amogela o phošo, gobane Ngwanešu Fred le nna re e bone e sa sepele gabotse bjalo.

<sup>40</sup> Gomme, Ngwanešu Borders, ge ke tlogela Ngwanešu Fred le go tla tlase go wena ka Oakland, ke rile, “O se ke wa e dira. O no fetiša poleiti ya mokoleko, tšea godimo moneelo, gomme, e ka ba eng e lego, e bee morago ka go setheo sa lena bakeng sa kopano felotsoko.”

<sup>41</sup> Gomme pele ditirelo di tswalelwa, Ngwanešu Borders le bagwera ba gagwe ba tla go nna, le go re, “Bontši bjoo re beilego ka go ko—ko kopano, bo šetše bo tšerwe godimo.”

<sup>42</sup> Gomme morago, matšatši a se makae a go feta, o dirile ditokišetšo bakeng sa kopano ka San Jose, California, fao a bilego le tše dingwe, ke a thanka masometshela goba masomešupa a dikereke ka moeding, tša tšohle ditumelo tša go fapana tšohle di šomišana. Re bile le kopano ya go makatša, gomme re boela morago gape, Nofemere. Re thabile go ba le lena le rena, Ngwanešu Borders le Ngwanešu Fred ba dutše morago fale. Gomme banna ba ke basetsebjie mohlomongwe go lena bohle, eupša ba bile banešu ba bohlokwa go nna ntle ka

mašemong, ka tiišetšo ba hlabanela Tumelo yeo re e emelago. Modimo a go šegofatše, ngwanešu. Re thakgetše go ba le wena mosong wo, ka go ye nnyane, tabarenekele ya kgale fa. Ga e bontši go lebelela godimo. Eupša go na le se sengwe fa, seo, re a tseba gore Modimo o a phela fa, le a bona, kafao re thabela seo. Gomme go na le baena ba bohlokwa ba bangwe, ge ke na le nako ya go e bolela, bao ba lego le rena lehono.

<sup>43</sup> Bjale ke letile le go rapela gore mo matšatšing a se makae a latelago, Morena ge a rata, ke nyaka go ya, ke ikwela go hlahlwa . . . Ga se ke dire kwalakwatšo. Kopano ye e latelago, go ya Ohio, go ba le Ngwanešu Sullivan, ka go mafelo a go kampa, magareng ga nako ye kopana. Ke feela e ka ba lekgolo la dimaele godimo fale, ke a thanka, Gene, se sengwe go swana le seo. Go ba leeto le lekaone, ga se o beakanye maikhutšo a gago, ge Morena a iša pele go re hlhla. Monna yo mokaone kudu, gomme re thabela Ngwanešu Sullivan, gagolo kudu. Feela . . . Yena ke ratoropo wa toropokgolo. O be a no ba yo a kilego a ba ratoropo, gomme o no ba wa fešene ya kgale wa Kentucky. Ke ka moka ke kgonago go bolela ka yena. Ge ke kopana le yena letšatši le lengwe ka . . . Rena bobedi re godišeditšwe tlase fale ka dithabeng tša Kentucky. O rile go nna, “A o sa na le sehlwamolaleng sa gago go rarela molala wa gago, Billy?” Bjale le tseba ka fao—ka fao a le go wa Kentucky. Bjale a re retologeleng go . . .

Go se go nyatša go baena ba ka ba Kentucky fa, Ngwanešu Jefferies, le go ya pele. Ke wa Kentucky, le nna, le a tseba. Ke tla le botša selo se tee re lego sona. Ga se rena ba Kentucky, ebile ga se rena Maamerika. Re baeti le basetsebje. Re nyaka Toropokgolo ye e tlogo.

<sup>44</sup> Bjale bakeng sa go bala, a re baleng ntle ga Puku ya Ekisodo, go metsotso e se mekae. Ke duma go bala go tloga go tema ya 23, le temana ya 20 go ya go tema ya 23, go akaretša. Gomme ke nyaka go tšea sehlogo mosong wo, go tšwa go swana le se, ya se, a ke re: *Tokologo Ye E Feletšego*. Gomme nka se be telele, go bolela, bjale ge ke sa le emetše go phutholla go Puku ya lena le tema.

*Bonang, Ke roma Morongwa pele ga lena, go le boloka mo tseleng, le go le tliša mo lefelong le ke le lokišitšego.*

*Mo hlokomeleng, . . . obamelang lentšu la gagwe, le se mmefediše; ka gore a ka se le lebalele dikarogo tša lena: ka gore leina la ka le ka go yena.*

Ke a kgolwa gore phuthego e a tseba ke mang Morongwa yo a bilego. “Leina la Ka le ka go Yena.”

*Gomme ge lena ka kgonthe le ka obamela lentšu la gagwe, gomme la dira tšohle tšeo Ke di bolelago; gona Ke tlo ba lenaba go manaba a lena, le molwantšhi go balwantšhi ba lena.*

*Ka gore Morongwa wa ka o tla sepela pele ga lena,  
le go le tliša . . . go Baamoro, . . . Bahete, . . . Baperesi, . . .  
Bakanana, . . . Bahete, le . . . Bajebusi: gomme Ke tla ba  
kgaola go tloga.*

<sup>45</sup> A nke Morena a šegofatša Lentšu la Gagwe bjalo ge re bolela go metsotso e se mekae, ge le rapela. Ke be ke nagana ka hlogotaba ye, ya: *Tokologo Ye E Feletšego*.

Kereke e bile ka go—ka go bonnyane. Ka mehla e tla ba, ka maloko, go fihla Jesu a etla. Eupša E phela ka tlase ga menyetla mphiwa ke Modimo wa Yona. Ge re ka be feela re tsebile, ye ke Kereke ya Modimo yo a phelago; e sego Tabarenekele ya Branham, eupša Tabarenekele ya Branham ke karolo ya Yona. Go na le tše dingwe tše bjalo ditabarenekele go kgabola naga.

<sup>46</sup> Ngwanešu Snelling, bošegong bjo, o na le tirelo ya kolobetšo. Ke lebetše Ngwanešu Curtis o mpoditše go bega seo, goba o mpoditše maabane, o be a na le yona. O na le tirelo ya kolobetšo. Gomme ge yo mongwe fa a sa nke a kolobetšwa, ga bjale, gobaneng, Ngwanešu Snelling o tla thabela go dira seo, bošegong bjo. Yeo ke Tabarenekele ya Holiness ka Utica. Le Ngwanešu Junior Jackson, ka New Albany. Gomme go na le tše dintši dikereke tše bjalo go kgabaganya naga. Eupša bohle re phela, go bonala bjalo, ka lehlakoreng la go fenywa, bontši, bonnyane.

<sup>47</sup> Ke kwele Ngwanešu Neville a tsebiša mosong wo, morago fale, gore e mohuta wa go tla monaganong wa ka, gore batho eke ba ya kgole go tloga go tokologo. Go bonala eke go se sengwe, seo, batho ba se bone, kafao ba no e kgoromeletša ntle ka thoko, “Oo, gabotse, Modimo a ka e dira.” Eupša woo ga se mokgwatebelelo.

<sup>48</sup> Bjale, Moshe, ge a be a biditšwe ke Modimo, o bile wa go felelela, moprofeta wa botlalo.

Ge Modimo a roma motho go dira se itšego, O mo hlama ka botlalo ka se sengwe le se sengwe seo a se hlokago. Ge Modimo a bitša motho go ba moreri, O bea ka go yena se sengwe go rera ka sona. Ge A mmitša go ba morutiši, O bea se sengwe ka go yena go ruta ka sona. Ge A mmiletša go ba moprofeta, O bea se sengwe ka go yena, go bona dipono le go ba moprofeta. Modimo ka mehla o hlama motho wa Gagwe ka botlalo.

Gomme seo ke feela seo A se dirilego ge a rometše Moshe ka go Egepeta. O mo tsošeditše godimo ka tsela ye itšego. Gomme O mo tsentšhitše sekolo ka tsela ye itšego, gomme A mo kgoloka, le go mo dira, le go mo hlabara. Ka morago ga ge a tshepišitše Abraham, makgolo a mengwaga pele, gore O tla lokolla batho, morago O—O bile le monagano gore O tla dira Moshe feela ka tsela ye Moshe a dirilwego. Moshe e be e le moprofeta ka botlalo. Gomme gona, go beng moprofeta, gona . . .

<sup>49</sup> Feela go swana le wena, ge eba o Mokriste, Modimo ga a dire Mokriste wa tselaseripa. Modimo o dira Bakriste ba go tlala. Modimo ga a dire bareri ba tselaseripa, eupša moreri a ka ba

tselaseripa. Gomme Modimo o dira bana ba Gagwe Bakriste, eupša dinako tše dingwe ke Bakriste ba tselaseripa. Eupša ga se maikemišetšo a Modimo go bona go ba ka tsela yeo. Ke ditsela tša bona di hlakahlakane godimo le peakanyo ya Modimo ka bophelo bja bona, gomme seo ke se se ba dirago ka tsela ye ba lego. Modimo ga a ba nyake go ba Bakriste ba tselaseripa, goba bareri ba tselaseripa, ba hlephiša ka go lehlakore e ka ba lefe, goba . . . O nyaka bona ba eme mo magareng ka botlalo.

<sup>50</sup> Bjale, Moshe, Modimo o be a mo dirile moprofeta ka botlalo, bakeng sa tokologo ye e tletšego. Gomme Moshe o be a ineetše ka botlalo ka diatleng tša Modimo. Leo ke lebaka e mo dirilego seo a bilego. O be a le ka botlalo bjalo ka go Modimo go fihla Modimo a ka mo tshepa.

<sup>51</sup> Ke a makala, mosong wo, bjalo ka Bakriste, ge e ba re neetše thato ya rena beng, le go neela ka borena ka botlalo bjalo go Modimo, go fihla Modimo a ka re tshepa lefelo leo A re beilego. Ke a makala, mosong wo, ka bonna, ge eba nka ineela bjalo go Modimo go fihla Modimo a ka ntshepa, a ka tshepa Ngwanešu Neville, a ka tshepa poto ya bahlokomelaphahlo ba rena, poto ya matikone a rena, goba maloko a rena a kereke ya rena. Rena bohle re na le lefelo, gomme re na le mošomo.

<sup>52</sup> Modiredi o na le lefelo la mošomo, go ema le go rera mahumo a sa nyakišišegego a Kriste, ntle le go hlephiša, ge eba a biditšwe go ba moreri. A ka se šie selo se setee bakeng sa motho o tee, ge eba a biditšwe go ba moreri.

<sup>53</sup> Gomme moleloko wa kereke, o biditšwe go ba moleloko wa sehlopha se itšego se, gona a ka se ke a hlephiša. Ge kereke e dumela gore re swanetše re se kempole, gona moleloko yoo a se ke le neng a kgwatha mokgobo wa dikarata. Ga re dumele mo go nweng, o swanetše a retolle hlogo ya gagwe ka botlalo go tloga go go nweng. Ge eba re sa dumele go go kempola, go kgoga, moleloko wa kereke ye a se ke le neng a kgwatha selo se sebjalo. Modimo o fa tokologo ye e tletšego. Ge re . . .

O tla e dira ge re ka ineela renabeng ka botlalo go Yena. Ge re ka tliša renabeng ka botlalo ka seatleng sa Gagwe, gona Modimo a ka phela ka go rena. Kriste, Kholofelo ya Letago, A ka itšweletša Yenamong go tšwa go rena bjalo ka ge re tloša renabeng ntle ga tsela. Gona megopolo ya rena ke megopolo ya Gagwe. A o ka eleletša Kriste a kgoga sikara? A o ka eleletša Kriste a enwa, goba a bapala dikarata? Gona ge moya wa gago o le karolo ya Moya wa Gagwe, O e nyaka go ba godimo ga boipolelo bja gago. Eupša o dumelela diabololo go tla ka gare le go thopa. Gomme nako yohle, ka pelong ya gago, botebong tlasetlase, o a tseba o phošo ge o dira dilo tšeo.

Gomme ge moleloko yo motee a ka bolela kgahlanong le moleloko yo mongwe, le a tseba seo ke phošo. Le laetšwe go rapelela yo motee go yo mongwe, e sego go bolela kgahlanong

o motee go yo mongwe, eupša go ratana yo motee go yo mongwe. Gomme ge yo mongwe a le fase, a re mo kukeleng godimo, go mo thuša. Bjale, seo se re dira se—se—se sehlopha se kopanego sa badumedi. Bjale, ge re sa obamele seo, gona ga re obamele Modimo gomme re nyamiša Modimo. Gomme kagona, kereke ya rena, batho ba rena ba ka se atlege, kereke e ka se ye pele, ke ka gobane re ahlogane, mmogo. Bjalo ka ge Jesu a boletše, “Komelo ye nnyane e bediša mohlaba.”

<sup>54</sup> Bjale, ge pota ya kereke, goba go swana le—le matikone, ba ka tla le go bolela gore re be re eya go...ba nagana re swanetše go aga tabarenekele ye mpsha. Ge yeo e le bouta yo matikone, gomme bahlokomelaphahlo ba boledišitšwe gomme ga ba na tšhelete go e dira, gona ba na le lenaneo la go aga go swana re nago le lona le eya pele bjale. Gomme gona e tšheetšwe godimo go bathheetšiši ka kakaretšo, bjalo ka ge re swanetše go ba, kereke yohle e le ye e ikemego. Gona ge kereke e bouta bakeng sa tabarenekele ye mpsha, gona bohle re swanetše go šomišana mmogo go agweng ga tabarenekele ye mpsha.

<sup>55</sup> Nneteng, ka bonna, ge ba boletše ka tabarenekele ye mpsha, go nna, ke be ke thulana le mogopolo. Yeo ke nnete. Ke rile, “Ga re hloke tlwa tabarenekele ye mpsha. Ke tla be ke tloga fa gabotse ka bjako, bjalo ka ge Morena...ge eba e le seo A mpontšhago se tla feta. Re hloka eng ka tabarenekele ye mpsha? Ga re na tšhelete.”

<sup>56</sup> Morago ke tla tlase gomme ke kwele maikutlo a kereke, gore kereke, ka bontši, e bonagetše e e nyaka. Gona ke eng ke e dirilego? Ke dirile megopolo ya ka mong sehlabelo gomme ka lahlela gare le kereke. Kgongthe, a re e direng. Ge...Ke tsela yeo re dirago matengwa, yeo ke tsela go bilego mo nakong ya Beibele, tsela yeo kereke e boutilego. Bo—bo boikemo, dihlopha tša batho, ba tla mmogo. Ka go kopano go na le maatla. Bjalo, kagona, ke rile, “Ka kgongthe, ge e ba e le tsela yeo kereke e nyakago, ge e ba seo e le se Modimo a se nyakago, O na le bontši bja maatlataolo go bouta magareng ga sehlopha ka moka sa batho go feta A na le go nna, ka gobane ga ke na pono go bolela gore e se be.” Bjalo re lahlela ka gare le kereke, le go sepela le kereke. Gomme ke ka morago ga yona, go dira tšohle nka kgongthe, le a bona, go thuša ntle kereke.

<sup>57</sup> Ao e swanetše go ba maikaelelo a Mokriste yo mongwe le yo mongwe le motho yo mongwe le yo mongwe ka kerekeng, ke bakeng sa go ikopanya ka borena le go gomarelana mmogo. E ka ba eng kereke e se boutelago, seo ke se re swanetšego go se emela. Gona a ke re, go mohlala, e...nyaka go fetola se sengwe ka kerekeng. Gabotse, gona, ge bahlokomelaphahlo ba nyaka go, o...yo mongwe gape o nyaka go, matikone, ba nyaka go fetola se sengwe, seo se tla pele ga kereke, kereke gona mmogo. Gomme ge ya rena—ya rena kgopolo fa e bonala e fapana gannyane go feta seo kereke ka moka e se boletšego, a re direng kgopolo yeo

sehlabelo, ka gobane yeo ke tsela e nnoši re ka emago re kopane. Gomme ge kereke ye e ka no ya pele ka tsela le yago bjale, le go ba ba ba kopanego mmogo, Modimo o tla . . . Ga go na magomo, seo A tla se dirago, ge re ka gomarelana mmogo. Re swanetše go gomarelana mmogo. Yeo ke kafao re nyakago go ba, ka botlalo bjalo le yo motee go yo mongwe, gomme gona ka botlalo bjalo ka diatleng tša Modimo.

<sup>58</sup> Gona re swanetše go ba le monna yo re dumelago gore o rera Lentšu la Modimo. Ge monna a sa e dire, gona hwetšang yo mongwe yoo a dirago go e dira. Yeo ke tsela re swanetšego go ema. Ge eba poto ya bahlokomelaphahlo e ka se eme ka seo se lokilego, gona ke taba ya lena go kgetha yo mongwe yo a tla emelago seo se lokilego. Gomme gona ge le e dira, emang ka yona. Go godimo ga lena. Emang ka yona. Gomme, bohle mmogo, re emetše Selo se tee, seo ke Modimo.

<sup>59</sup> Ge moleloko a dira phošo, le se mo šikologeng. Mo thušeng. Mo kukeleng godimo. Etlang mmogo, ebang le theeletšo le yo motee go yo mongwe. Seo ke se Lengwalo le se boletago. Ge re dira phošo, a re yeng pele ga Modimo. Pele re ka ya pele ga Modimo, re swanetše go ya pele ga motho yo re mo gobaditšego.

<sup>60</sup> Ke ile ka no swanela go dira seo. Gomme ke a tseba gore ke dirile phošo. Ke boletše maaka, ke dirile mosadi wa ka go boleta maaka. Ke a dumela ke le boditše ka yona, fa mo kerekeng. E bile matšatši a se makae, e se kgale botelele, e bile e ka ba dibeke tše tshela tša go feta. Boramolao ba nkgeretlantše godimo bjalo, godimo ga dinyakišišo tše, go fihla go le thata go tseba fao ke bego ke le gona. Ke be ke sa tšo ya gae go tšwa ofising, go ja matena. Gomme nomoro ya mogala wa sephiri ya lla, gomme Meda a ya go araba mogala. O beile seatla sa gagwe godimo ga wona, o rile, “Ke bona boramolao gape.”

<sup>61</sup> Ke rile, “Nka se kgone go ema mantšiboa a mangwe. Hlogo ya ka e kwagala e ke e goga go tloga. Ke lahlelwa ke monagano wa ka, go no nkgogela ka tsela ye, le ka tsela yela, le ka tsela ye.” Ke rile, “Ga ke kgone go e emela.” Gomme ke tabogetše godimo, gomme ke rile, “Ba botše ga ke gona ka fa,” gomme ka kitima go rarela ka morago ga ntlo.

<sup>62</sup> Ge ke bowa morago. . . Meda o tseba ka dilo tšeo kudu. O kopane le nna mo lemating, a lla seripa. O rile, “Bill, a seo e bile selo sa maleba go se dira?”

<sup>63</sup> O tseba ka fao o lego. Ke tseba ka fao ke lego. Ke rile, “Kgontho. Ke be ke se ka gare thwi nako yeo.” Ke tsebile Modimo o be a nkahlotše bakeng sa yona. Ke rile, “Ke be ke se ka fa thwi nako yeo.”

O rile, “Eupša o be o le ka gare fa ge a be a letša mogala.”

<sup>64</sup> Ka sekgaleleng seo ke ile go rapelela leseba la go babja. Gomme pele ke tloga ntlong, mogala o llile gape, gomme Josefa yo monnyane o kitimetše godimo le go swara mogala gomme o

rile, “Papa, o nyaka ke ba botše ga o gona fa?” Le a bona ka fao sebe se senyago, seo lapa le tla bago bofelong?

65 Johane wa Pele, tema ya 5, le temana ya 21, e rile, “Ge dipelo tša rena di sa re ahlole, gona re na le tshepo go Modimo.” Eupša ge dipelo tša rena di re ahlola, re ka ba bjang le tshepo go Modimo? Re a tseba, ge feela re na le sebe seo se sa boletšwago, A ka se ke le neng a re kwa. Yeo ke ye thata, eupša, ke yona—ke—yona—ke yona, kereke e nyaka dilo tše.

66 Nako yeo ke thomile go rapelela lesea le. Gomme ge ke thoma go bea diatla tša ka go lona, Morena o ntshotše gomme o rile, “O boletše maaka. Ga se wa swanela go rapelela lesea leo.”

67 Ke retologetše kgole go tloga go monna. Ke rile, “Mohlomphegi, wena o no leta fa. Ke na le se sengwe go se lokiša.”

68 Ke leleditše ramolao le go ya tlase go ya ofising, ka mmiletša ka gare. Ke rile, “Lebelela, mohlomphegi, ke boletše maaka. Ke dirile mosadi wa ka go bolela maaka. O rile ke be ke se ka fale, gomme ke kitimetše ntle ka morago ga ntlo.” Gomme ke ipoletše yona le go mmošša ka yona.

69 O sepeletše godimo gomme o beile diatla tša gagwe godimo ga legetla la ka. O rile, “Ngwanešu Branham, ka mehla ke bile le tshepo go wena, eupša ke na le go feta le neng bjale, monna,” o rile, “yo a ratago go lokiša diphošo tša gagwe.”

70 Ke mmoditše, ke rile, “Ke thomile go rapelela lesea, gomme Morena a no nkahlola, ka pelong ya ka, ka gobane ke be ke dirile phošo.”

71 Morago, letšatši le le latelago, mosadi o rile, “O ya kae?”

Ke rile, “Go lewa la ka.”

72 Gomme ke ile godimo go lewa la ka, godimo ka godimo ga Charlestown, fao ke bego ke eya, lebaka la mengwaga. Ke fihlile ka gare fale, gomme ke rapetše letšatši leo lohle, “O Modimo, o se tsoge wa ntira go dira selo sa go swana le seo gape. O ntshwarele, Morena, ka gore ge ke thoma go bea diatla tša ka godimo ga batho ba babjago, go rapela, nako yeo ke ahlotšwe.” Mabapi e ka ba iri ya boraro mo mantšiboeng, ke tšwetše ntle. Go na le leswika le legolo le dutše ntle fale. Gomme ke nametše godimo ga leswika leo gomme ke be ke lebeletše godimo go lebanya bohlabela, ka diatla tša ka godimo, go tumiša Morena. Gomme go be go no ba go homola kudu ka fale. Gomme ke rile, “Morena, ge O ka no . . . Nako ye nngwe O fetile hleng le Moshe, gomme o rile e bile . . . ge O bile le yena ka mphatšeng wa leswika, gomme go bonagetše bjalo ka mokokotlo wa motho.” Ke rile, “A O ka e dira gape, Morena? A nke ke tsebe ke swaretšwe.” Gomme ke rile, “Ge o ka nthuša le go tla mo monaganong wa ka . . .” Ke rile, “Morena, ga ka tia kudu, monaganong, gobane ga ke na thuto.” Ke rile, “Gomme ke—ke leka ka Go hlankela. O tseba pelo ya ka, gomme

ga se nke . . . Ke be ke se ka swanela go dira sela. Ga se ke re go dira sela. Hlogo ya ka e no kwala o ka re e be e tla go tloga, ke be ke tšhogile kudu, gomme ke e dirile ka go swarwa ga sebaka ge Sathane a ntshwere.” Ke rile, “Ge O ka ntshwarela, a nke ke Go bone, gona, Morena.”

<sup>73</sup> Modimo a le Moahlodi wa ka; feela thwi ka godimo ga lehlakore la ka, lefelo le lennyane ka dikgweng la thoma go tšutla go swana le Phefo, gomme Ya tla thwi go bapa le lehlakore la lewa fao ke bego ke le, gomme ya ya tlase go kgabola dithokgwa. Oo, ngwanešu, khutšo yeo e fetago kweišo yohle ya swiela godimo ga ka, gomme ka lla. Ke llile. Ke goeleditše. Ke a tseba dibe tša ka ke be ke di swaretšwe. Le a bona, ke be ke amologane le Modimo, ke be nka se be le tokologo bakeng sa lesea.

<sup>74</sup> Ke . . . Gomme lona letšatši le le latelago go be go na le monna go tšwa Chicago, yo e lego monna yo mogolo, Mokatoliki a sa tšo sokologa, dibeledo ka pelong ya gagwe di be di ruwetšwe ntle go swana le tšhupu ya ka gare e butšweditšwe, gomme ba be ba lekile go di ripa ntle nako ye telele, ba be ba eya go, gomme ga se nke a ba dumelela. Mafelelong o hweditše polelotsinkelo. Tšona dipolelotsinkelo, re dula thwi le yona go fihla re hwetša bothata ke eng. Gomme monna o be a se kgale a tsene ka gare, go fihla Moya wo Mokgethwa o ile morago tlase go kgabola bophelo bja gagwe le go biletša ntle se sengwe a se dirilego ge a be a sa le mošemane wa aletara ka go kereke ya Katoliki. O rile, “Yeo ke therešo. Yeo ke therešo ya go botega.” O rile, “O ra gore seo se be se le kgahlanong le nna?”

Ke rile, “Seo ke morithi o nnoši ke kgonago go o bona bophelong bja gago.”

<sup>75</sup> O ile morago godimo le go botša ngaka, o rile, “Go lokile, tliša dilo mmogo bjale, re tla ba le karo.”

<sup>76</sup> Ngaka e rile, “Re tla lekola sethwantšhi sela sa kgale gape.” Gomme ge a lebeletše ka go sona, o rile, “Ga o hloke karo.” Le a bona?

<sup>77</sup> Ge dipelo tša rena di sa re ahlole, re nyaka tokologo ka botlalo. Ga re nyake go ba tselaseripa, kereke. Re nyaka go ba kereke ya kgonthe goba go se be kereke le ga nnyane. Re nyaka go ba Bakriste ba kgonthe goba go se be Bakriste le ga nnyane. Re nyaka tokologo ye e feletšego go tšwa metlwaong ya rena, go tšwa go dibe tša rena, go tšwa go go gopola gampe ga rena, go tšwa go go dira gampe ga rena, go tšwa go go se hlokomele ga rena, e ka ba eng re e dirilego. Re nyaka tokologo ye e feletšego, gore ge batho ba etla ka kerekeng ye, go rapelelwa, go tla ba feela sehlopha se sennyane se (mohlomongwe e se ka godimo ga leggolo, goba a mabedi) se dutše fa, eupša ba tla be ka botlalo ba le ka diatleng tša Modimo. Gomme ge re rapela, gona Modimo o tla kwa go tšwa Legodimong. Modimo o nyaka yo mongwe yo A ka go mo swara ka diatleng tša Gagwe, yo mongwe yo A ka re



go, “Ke na le tshepo ka go yena. Nka romela yo, mohlanka wa Ka wa go lwala, go Tabarenekele ya Branham ka Jeffersonville, gomme sehlopha sela sa batho ba mmero o tee.” Se sengwe se tla phethega.

<sup>78</sup> Gabotse, lebelelang seo A re direlago ka go seemo seo re lego. O be A tla dira eng ge nka be re le pelo e tee le mmero o tee? Tsela e nnoši re ka dirago seo, ke go kopanya dipelo tša rena mmogo ka lerato la baena, go obamela baofisiri ba kereke, le modiša, le modiša a obamela Modimo. Gona Modimo o šoma ka modiša, ka pota, fase ka go kereke, gomme bohle mmogo ke ngata e tee go Mmušo wa Modimo. Gona Modimo o tla kwa, ge re na le sehlopha se se kopanego. A go se be le selo se le tshwenyago. Le se ke la ngenwa ke se se itšego.

<sup>79</sup> Bjale, yoo ke mohuta wa motho yoo Modimo a mmeetšego go tšea naga. Moshe o be a le wa botlalo, o be a le monna yo a sa hlephišego. Ge go be go le diphapano le dikgogakgogano, le go ya pele, o be a sa hlephiše. Seo ke se Modimo a re nyakago bjale.

<sup>80</sup> Farao o nyakile go kwana, o rile, “Moshe, bohle le ka sepela, gomme, eupša, le šia bana ba lena morago, goba šiang tše dingwe tša dikgomo tša lena morago fa.”

<sup>81</sup> Yeo ke tsela diabololo a nyakago Mokriste a etla go. “Go tla loka gohle go wena go tšoenana kereke, eupša o se tsoge wa swarela Jones. Go tla loka gohle ge o ka tliša ka gare ya gago. . . ge o ka ya. . . Ga se o swanele go tlogela go kgoga ga gago, go nwa ga gago, go aketša ga gago, go utswa ga gago, go fatolla diphošo ga gago, go loma morago. Ga se o swanele go tlogela seo. E no tšoenana kereke.”

<sup>82</sup> Eupša Moshe e be e se wa go hlephiša. O nyakile tokologo ka botlalo. O rile, “Re ka se šie tlhako e tee morago. Re tla tšea se sengwe le se sengwe seo e lego sa rena, ge re e ya go rapela Morena.”

<sup>83</sup> Yeo ke tsela kereke e swanetšego go ba. “Re tla tšea toko. Re tla tšea bokgethwa. Re tla tšea Moya wo Mokgethwa. Re tla tšea sehlopha se se kopanego ge re eya aletareng. Re tla ba sehlopha sa kgonthe. Re ka se šie selo morago. Re tla tšea se sengwe le se sengwe. Go ka se be le tlhako e tee e šalago morago fa.” Le a tseba, gomme batho ba ka rapela ka tsela yeo go fihla diabololo a ineela.

<sup>84</sup> Yeo ke tsela Moshe le sehlopha sa gagwe ba dirilego. Ba tlile godimo fale gomme ba tla ka tlase ga Madi. Le hlokometše, go fihlela ba etla ka tlase ga Madi, go be go se na tokologo ye e feletšego. Moshe, ka boyena, o be a kopane le Modimo, eupša Israele e be e se. Go be go sa na le sebe. Gomme ba ngunanguna kgahlanong le Moshe, gomme ba rile, “Gobaneng, gobaneng o dira se? O tliša mathata a mantši godimo ga rena.” Gobane, Farao o no menaganya gabedi palo ya ditena tša bona, le go ya pele. Yoo e bile Moshe; o be a le ka botlalo ka diatleng tša Modimo, ka go

felela a lokolotšwe go tšwa go go diša dinku, go yo diša dinku tša Modimo. O be a lokolotšwe ka go felela, ka boyena. Eupša batho ba be ba se ba lokollwa, ka gobane go be go sa na le go ngunanguna magareng ga bona.

<sup>85</sup> Bošego bjo bongwe ge Modimo a beile gore kwana e swanetše go bolawa, seswantšho sa Kriste, gomme madi a inetšwe ka gare ga bjang, bjoo, feela ngwang (wa mehleng, wa go ikokobetša), le go bewa godimo ga lentlele la lemati le mo dijakwaneng, yeo ke ge Israele a e ba go lokollwa ka botlalo, go se tlhako ye e tlogetšwego morago. Tšohle e bego e le tša bona di be di lokolotšwe. Malapa a bona, baratiwa ba bona, le se sengwe le se sengwe se lokolotšwe ge ka botlalo ba etla ka tlase ga madi.

<sup>86</sup> Yeo ke ge kereke e tla be e lokolotšwe ka botlalo, ge se sengwe le se sengwe se etla ka tlase ga Madi. Ge dibe tša gago di etla ka tlase ga Madi, ge go kgoga ga gago, ge go kempola ga gago, ge go radia ga gago, ge go utswa ga gago, ge go aketša ga gago, ge se sengwe le se sengwe se tlišwa ka tlase ga Madi, gona go tla ba le tokologo ye e feletšego. O phošeditše go mongwe, e dire e loke. O ka se tliše seo ka tlase ga Madi, se ka se dule. O ka se tliše. Se sengwe se ka se go dumelele go se dira. Ge bowena bja gago ka botlalo, ka go felela bo tlišitšwe ka tlase ga Madi, go tla ba le tokologo ye e feletšego; gona o tla ba le tokologo bjalo ka ge o sa nka wa tseba pele. Ge se sengwe le se sengwe se tlišitšwe ka tlase ga Madi, go tlišitšwe ka go boineelo go Mmušo wa Modimo, gona go tla ba le tokologo ya kgonthe.

<sup>87</sup> Jesu o be a le ka botlalo, motho ka go felela. O be a kgona go lla go swana le motho. O be a kgona go ja go swana le motho. O be a kgona go lapa go swana le motho. O be a le ka botlalo, motho ka go felela, mo nameng ya Gagwe. Gomme mo Moyeng wa Gagwe, O be a le ka botlalo, Modimo ka go felela, kafao O dirile nama ya gagwe go kokobela go Moya woo o bego o le ka go Yena. Le a bona, O ile a lekwa ka mekgwa yohle go swana le ge re le. O be a le motho, e sego Morongwa. O be a le motho. O bile le dikganyogo le diteko, feela go swana le ge re dira. Beibele e rile O dirile. O be a le motho, e sego Morongwa ka godimo ga teko. Bahebere 1 e rile, gore, “O be a le. . .” Bahebere 1:4 e rile, “O dirilwe ka fasana go feta Barongwa.” O be a le motho, motho ka botlalo; gore Modimo o tšere motho wa botlalo, go tliša tokologo ye e feletšego, gomme A Mo tlatše ka Moya wa Gagwe. Moya wo Mokgethwa o be o le ka go Yena, ka ntle ga go lekanetšwa. Gomme O lekilwe go swana re bile. Gomme O be a le Modimo ka botlalo. O e netefaditše ge A tsoša bahu, ge a emiša tlhago, mawatle a rorago le diphefo tše maatla. Ge A boletše le mehlare, le go ya pele, e Mo obametše. O be a le Modimo, ka gare. Gomme a ka be a bile motho, ka gore O be a le motho, eupša ka go felela le ka botlalo O itlišitše ka Boyena (bjalo ka motho) ka diatleng tša Modimo, bakeng sa tirelo ya Modimo.

88 Gomme Ke mohlala wa rena. Rena re banna le basadi. Rena gape re Bakriste. Ge A le mohlala wa rena, a nke re inele ka borena ka botlalo ka go diatla tša Moya wo Mokgethwa, gore re be bahlanka ba Mmušo wa Modimo.

89 O be a le motho ka go felela; O be a le Modimo ka go felela. Eupša O neetše dikarolo tša Gagwe tša tlhago go wa Gagwe. . . le dikarolo tša Gagwe tša nama, le go nagana ga Gagwe, le go dira ga Gagwe, le matshwenyego a Gagwe mong, le, “Ke dira feela seo se kgahlago Tate.” Ke lena bao. Ka go felela a lokolotšwe go tšwa go batho. Baprista ba tla go Yena, banna ba bagolo, gomme ba rile, “Rabi, *semang-mang*,” le go leka go Mo goketša ka go dingwadišo le dikereke tša maina tša bona. Eupša O be a lokolotšwe ka go felela ka gobane O tshepetše go Modimo.

90 A Mopesalome ga se a re, “Wena o tla Mo lokolla, ka gore O tshepetše go Nna ka botlalo?” Le a bona? “Ke tla lokolla Morategi wa Ka go tšwa go dimpša, ka gobane O tshepetše go Nna.”

91 Iri ye nngwe ge re etla mo mafelelong a leeto la bophelo, ke e nyakela go ya ka. Ke a tseba le e nyakela go ya lena. Ke nyaka Yena a re, “Ke tla mo lokolla ka ntle ga mohlagare wa lehu, ka gore o tshepetše go Nna. Ke tla mo lokolla go tšwa lebitleng, mo mosong wa tsogo, go mo lokolla ka go felela, bobedi soulo, mmele, le Moya, ka gobane o tshepetše go Nna.”

92 Mediro yohle ya Jesu e ka botlalo. Se sengwe le se sengwe se ka botlalo, go felela, lokolotšwe. O lokolotše wa lephera ka botlalo go tšwa go lephera. O lokolotše ka go felela mosadi ka taba ya madi, go tšwa go taba ya gagwe. O lokolotše ka go felela lefase go tšwa go sebe, ge A ehwa ka letšatši la poelano. O lokolotše ka botlalo sebe se sengwe le se sengwe. O lokolotše Kereke. Kafao ga go bohlokwa go rena go phela bja ka tlase ga menyetla ya rena, batho. Ga go bohlokwa go rena go phela ka seemong sa go fenywa, ka gobane O fentše diabololo le go tšea bolaodi le maatla ohle, gomme a ba kokobetša ka tlase ga dinao tša Gagwe, gomme ga ba na ditokelo tša semolao go buša godimo ga lena. Rena re Bakriste, ba tletšego ka Moya wo Mokgethwa. Ga ra swanela go lao- . . . go ba le diabololo a re laola. Kriste o re lokolotše, tokologo ye e feletšego; go re lokolla go tšwa go bobee, go re lokolla go tšwa go sebe, go re lokolla go tšwa go metlwae, go re lokolla go tšwa go boleleng, go re lokolla go tšwa—go tšwa go moletlwa go re lokolla go tšwa go mehuta ya dilo tša ditšhila tšohle. O re lokolotše ka go felela le go re bea ka gare ga diatla tša Gagwe tše dikgethwa; ya botlalo, tokologo ye e feletšego.

93 O lokolotše malwetšing a rena. O re lokolotše go tšwa go malwetšing a rena, ka gore re na le tokelo ya bodulo go seo. Haleluya! “Ka gore O gobaditšwe bakeng sa dikaro tša rena, ka megogoma ya Gagwe re fodišitšwe.” Yena ke Mofodiši wa rena.

Yeo ke gobaneng yola wa go šokiša, yo monnyane, mosadi wa pholio, a lekile go hlokomela monna wa gagwe a bego a ehwa ka kankere, o sepeletše ka dikgaong ka Bogoneng bja Modimo. O bile le tumelo. Gomme o . . . Dingaka ba be ba dirile tšohle ba kgonago go dira, kafao o latetše ditaello tša Modimo gomme a lokollwa ka go felela.

<sup>94</sup> Barutiwa ba bile le tokologo ye e feletšego, ka phethagalo tokologo ye e feletšego. Gobaneng? Ka gobane ba bile ka botlalo le ka go felela ba tladitšwe ka Moya wo Mokgethwa. Ge wena, feela moleloko wa kereke le go šikinya diatla tša modiša, goba yo mongwe . . . o bile le mohuta wo mongwa wa boitemogelo bja go taboga, go goeletša, goba go bolela ka maleme, goba se sengwe gape; gomme o sa na le bobbe ka pelong ya gago, ditiro tše šele, o bolela maaka, o kgoga disekerete, o kganyoga morago ga basadi; go na le se sengwe ga se ešo sa direga go le bjalo. Go na le se sengwe sa phošo. “Ka gore yo a ratago lefase, goba dilo tša lefase, lerato la Modimo ga le ka go yena.” O bile yo a arošitšwego. “Ka dikenywa tša bona le tla ba tseba.”

<sup>95</sup> Rena bohle re nyaka go kopantšhwa mmogo, ka Moya wo Mokgethwa. Moleloko yo mongwe le yo mongwe o swanetše go kopantšhwa, yo motee le yo mongwe. Lerato la Modimo le abilwe go phatlalala ka dipelong tša rena, ke Moya wo Mokgethwa. O re hlwekiša go tloga go go se loke gohle. Rena re lokolotšwe go tšwa go dilo tša lefase. Jesu o rile, “Se batho bohle ba tlogo tseba gore le barutiwa ba Ka, ge le na le lerato, yo motee go yo mongwe.” Ge moleloko yo motee a rata moleloko yo mongwe kudu bjalo gore a ka mo hwela.

<sup>96</sup> Ge selo se sebe se setee se thoma, lefase la ka ntle, ba bangwe ba basadi ba tla go bapa le go re, “Bjale, lebelela, morategi. Go tla ba kaone go wena ge o dirile *se*, goba dira *sela*, o apere *se*, goba o dirile *sela*, goba go dirilwe *se*, le go ya kgole go tloga go sehlopha sela sa bapshikologi bakgethwa,” goba go ya pele go swana le seo, re kopantšwe bjalo le Modimo!

<sup>97</sup> Le re, “Gabotse, Ngwanešu Branham, ke teko ye e šiišago.” Eupša Kriste o hwetše morero woo. Diabolo o fentšwe. Re nyaka tokologo ye e feletšego. Re nyaka kereke yeo e sekegilego le go hlweka le go se omelwe, gomme e hlatswitšwe mo Mading a Kwana, gomme e tladitšwe ka Moya wo Mokgethwa, gomme dika le matete le mehlolo. [Ga go selo go theipi—Mor.] . . . ka go felela go lokolla yo mongwe le yo mongwe. [Ga go selo go theipi.]

<sup>98</sup> Morategi Modimo, Wena ga o tšee dilo ntle ga ge se lokolotše ka go felela. O be o sa kgone go amogela sehlabelo le bosodi go sona. O ka se tsoge wa amogela thapelo, yeo go nago le sebe morago ka go bophelo bja motho yoo. O no se kgone go e dira, Morena. Ga se o e dire mo mabakeng a go feta, gomme O ka se kgone go e dira lehono. Eupša sehlabelo se swanetše se se be le bosodi. Morena Modimo, bjalo ka ge re ipea ka borena mo

aletareng, bophelo bja sehlabelo, tšea go tloga go rena, O Morena, bosodi bjohle bja sebe. Ka botlalo ke bea soulo ya ka, le mmele wa ka, le maatla a ka, le maitekelo a ka, le kereke ye mosong wo, mo aletareng. Re hlwekiše ka Madi a Gago, gomme re swarele go sebe se sengwe le se sengwe seo re se dirilego. Gomme a nke Moya wo Mokgethwa wo mogolo ka go huma kudu o dule ka go rena, gomme Bogona bja Gagwe bo sepele le rena go tloga tabarenekeng ye mosong wo, gore re tle re tsebe ka teng ga rena gore O re swareše. Gona thapelo e tla ba, “Re swarele melato ya rena bjalo ka ge re swarela bale ba dirago melato kgahlanong le rena.” E fe, Morena.

<sup>99</sup> Wena e ba kgauswi le rena bjale, re šegofatše gomme o re boloke go fihlela re kopana gape ka tirelong ya mantšiboa. A nke re tle ka gare ka diatla tše hlwekilego le pelo e sekilego, gore O ka se gane, ka gore re nyaka ya tokologo ya botlalo le ye e feletšego go tšwa go e ka ba eng, Morena, seo se tla re thibelago go tloga go beng seetša sa lefase; kereke yeo e beilwego godimo ga thaba, e sego seroto godimo ga yona, eupša kereke yeo e dutšego godimo ga thaba, yeo e fago seetša go hlahla maoto a batho mo tseleng yeo e lokilego. E fe, Tate. Re e kgopela mo Leineng la Jesu, le bakeng sa Letago la Gagwe. Amene.

<sup>100</sup> Ke ya go kgopela Doc . . . Ke nagana o morago fale, goba yo mongwe wa matikone o gona. Gore kereke e ke e bale se, Doc, etla o bee se mo go pototo ya ditsebišo gore kereke e kgone go se bona bjalo ge ba eya ntle. Gomme gona Ngwanešu Collins, ge a le fa . . . A Ngwanešu Collins o ka gare? Mo fe se se sengwe.

<sup>101</sup> Gomme, go lokile, mohlomphegi, gomme re tla bona ke eng. . . [Ngwanešu Branham o a khutša gomme ka setu o bala nouto—Mor.] Ke yo mongwe o nyaka polelotsinkelo. Yeo ka mehla e filwe. Re thakgetše.

Gomme ke na le dipolelotsinkelo. Le a bona, selo o se dirago ke go leletša nomoro ya rena ntle fale. Re—re bile le bothata bjo bontši kudu godimo kua ntlong, kereke e a bo tseba. Ba ke basetsebje. Kereke e tseba ka bjona. Go swanetše go ba le seripa se sennyane se bewa . . . Ke tla ba le sona se beilwe fa ka kerekeng, le sona, bakeng sa bao ba tlogo. Le a bona, go na le ba bantši kudu, ba re ka se kgonego go ba hlokomela bohle, feela bjalo ka ge ba etla ka boati. Le a bona? Gomme re . . . Ge o ka no leletša BUTler 2-1-5-1-9, BUTler. [Nomoro ya mogale e fetošitšwe.—Mor.] Gomme mang kapa mang wa maloko yo a bonago yo mongwe yo a nyakago, ka mehla ke thakgetše go bona batho. Eupša re na le tshepedišo ya setlwaedi. Go na le ba bangwe ba šetše ba leditše, ba bantši, le a bona. Gomme re tla hleng, yo motee ka yo motee, bjalo ge re etla. Nako yeo go na le . . . Go be go fela go eba, re no bile le mohuta wa go betha ga go pokapoketša, ka tsela e itšego, go taboga, go tshela, batho ba ile gae ba nyamile le se sengwe le se sengwe. Bjale ba na le se sengwe le se sengwe feela ka lenaneo. Gomme seo ke se re lekago

go bolela ka sona bjale, le a bona, go bea se sengwe le se sengwe ka lenaneo, feela ka go phethega.

Gomme nka thakgala go bona phathi ye e rategago ye, ge ba ka no leletša Butler 2-15-19 (1-5-1-9), gomme Mna. Mercier goba Mna. Goad, yo motee, o tla araba mogala le go le botša feela tlwa ke neng le ka bago le peelano. Re na le lefelo ntle fale, le fehlilwe moya, gomme le loketše go amogela batho le go ba rapelela. Re thabela feela go e dira.

<sup>102</sup> Bjale, lebaka ke sa tlego kerekeng, batho ba nagana ke leka go ya kgole go tloga go batho; ga se lona. Ke leka go—go ba lenaneong tlwa. Le a bona? Seo ke se ke nyakago go ba, feela go se bontše go beba motho sefahlego. Motho yo mongwe le yo mongwe, mang le mang, kae kapa kae, nako efe le efe, le a bona; mmala, thutotaelo ga e na selo go dira le yona. Re tla thwi fale le go kopana le batho. Gomme ge ba na le tlhoko, re dula gabotse le Modimo go fihla e rarolotšwe. Ge ba nyaka go tseba e ka ba eng mabapi le dikopano, nnete, re a e hlokomela le go e faela. Yeo ke fela tlhahlo ya Moya wo Mokgethwa. Gomme yeo ke . . . Ka tsela yeo, ke nagana go lokile, go dira yo mongwe le yo mongwe feela tlwa ka go swana. Kagona, ga go na go beba motho sefahlego, ga go go beba.

<sup>103</sup> Go be go na le batho bao ba tlilego go rapelelwa, mosong wo, bao ba bego ba babja gomme ba nyakilego go rapelelwa? Go lokile. Ga ba gona.

Gona a re opeleng koša ye botse bakeng sa . . . bakeng sa thapelo. Re ka opela eng mosong wo? “Ke eng e ka tlošago sebe sa ka?” O a e tseba, Teddy? “Ga go selo eupša Madi a Jesu.” Ke eng e ka . . .

[Kgaetšedi go tšwa phuthegong o anega ka mohumagadi yo a babjago kudu—Mor.] Go lokile, mohlomphegi. O nyaka go mo rapelela bjale?

Ke ya go rapelela mohumagadi yola. Bea diatla godimo ga mosadi yo fa. A le ka inamiša dihlogo tša lena le nna, gona, ka go homola bjale. [Ngwanešu Branham o tlogela segodišantšu sa phulupiti—Mor.]

<sup>104</sup> Morategi Modimo, go na le mohumagadi yo a babjago kudu. Kgaetšedi wa rena o beile mmele wa gagwe godimo, ebile go tšea kankere go tloga go ba bangwe, go ema ka sekgobeng, bakeng sa ba bangwe. Eupša O mo lokolla go tšwa go seo, Morena, matšatši a se makae a go feta, ge dilo tšela di tsebilwe. E no mo dumelela a e hwetše ntle, ka boyena, gona, Morena, o tla tseba gore e tšwa go Wena. Ke bea diatla tša ka godimo ga gagwe, le go kgopelela kgaogelo bakeng sa mosadi yola yo mongwe a mo emetšego. A nke mogau wa Modimo, Maatla a Moya wo Mokgethwa . . . Go na le bobbe bjo bo itšego ka dipelong tša rena, Morena, bo utolle go rena, pele, gona re tla ya, go bo dire bo loke. Gona re a tseba gore re na le monyetla le Modimo, re na le khutšo le Modimo,

re hwetša seo re se kgopelago, ka gobane ga re na kahlolo. E fe, Morena. Mo Leineng la Jesu ke a rapela. Amene.

Go lokile. [Ngwanešu Branham o boela phuluphithing—Mor.]

Ke eng e ka hlatswago sebe sa ka?  
 Ga go selo eupša Madi a Jesu;  
 Ke eng e ka ntirago go phelega gape?  
 Ga go selo eupša Madi a Jesu.  
 Oo, moelo ke wo bohlokwa  
 Wo o ntirago yo mošweu bjale ka leswele;  
 Ga go mothopo wo mongwe ke o tsebago,  
 Ga go selo eupša Madi a Jesu.

<sup>105</sup> Ke ba bakae ba kwago gore dibe tša lena di ka tlase ga Madi?  
 A re e opeleng ka diatla tša rena godimo bjale.

Ke eng e ka hlatswago sebe sa ka?  
 Ga go selo eupša Madi a Jesu;  
 Ke eng e ka ntirago go phelega gape?  
 Ga go selo eupša Madi a Jesu.

Bjale ka ge re theoša diatla tša rena, a re šikinyeng diatla go dikologa.

Bohlokwa ke . . .

Yeo ke nnete, gohle go dikologa.

. . . šweu bjalo ka leswele;  
 Ga go mothopo wo mongwe ke o tsebago,  
 Ga go selo eupša Madi a Jesu.

Le a Mo rata? [Phuthego e re, “Amene.”—Mor.] Amene.

Oo, ke rata Jesu bjang,  
 Oo, ke rata Je- . . .

Bjale dulang le yona, bjale. Yo mongwe le yo mongwe swarelela go Modimo.

Ke rata Jesu bjang,  
 Gobane O nthatile pele.

Nka se tsoge ka hlokomologa . . .



*TOKOLOGO YE E FELETŠEGO* NST59-0712  
(A Total Deliverance)

Molaetša wo ka Ngwanešu William Marrion Branham, setlogong o abilwe ka Seisimane ka Sontaga mosong, Julae 12, 1959, mo Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice of God Recordings.

NORTH SOTHO

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)



## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)